



## **TOSHKENT DAVLAT YURIDIK UNIVERSITETI REKTORINING B U Y R U G ' I**

09.12.2022

379-um-son

### **Talabalarga O'zbekiston Respublikasi Prezidenti grantini qo'lga kiritganligi uchun stipendiya tayinlash to'g'risida**

O'zbekiston Respublikasi Prezidentining "Respublika oliy ta'lim muassasalariga talabalikka qabul qilingan iqtidorli yoshlarni yanada qo'llab-quvvatlash chora-tadbirlari to'g'risida"gi 2021-yil 6-iyuldagi PQ-5172-son qarori, O'zbekiston Respublikasi davlat oliy ta'lim-muassasalariga o'qishga qabul qilish jarayonlarini muvofiqlashtirish bo'yicha Davlat komissiyasining 2022-yil 31-avgustdagi 3-son bayoni qarori hamda O'zbekiston Respublikasi oliy va o'rta maxsus ta'lim vazirining 2022-yil 24-noyabrdagi "2022/2023-o'quv yili uchun o'tkazilgan O'zbekiston Respublikasi Prezidenti granti tanlovi g'oliblari ro'yxatini tasdiqlash to'g'risida"gi 384-son buyrug'i va vazirlikning 2022-yil 31-oktabrdagi 2/10-4/1-6226-son topshiriq xatida belgilangan vazifalar ijrosini ta'minlash, 2022/2023-o'quv yili uchun o'tkazilgan O'zbekiston Respublikasi Prezidenti granti tanlovi g'oliblarini rag'batlantirish va ularni har tomonlama qo'llab-quvvatlash maqsadida

### **BUYURAMAN:**

1. O'zbekiston Respublikasi oliy va o'rta maxsus ta'lim vazirining 2022-yil 24-noyabrdagi 384-sonli buyrug'i hamda vazirlikning 2022-yil 31-oktabrdagi 2/10-4/1-6226-son topshiriq xati ma'lumot va ijro uchun qabul qilinsin.

2. Quyidagilar:

O'zbekiston Respublikasi Prezidenti granti uchun 2022/2023-o'quv yilida o'tkazilgan tanlovda 10 nafar talaba g'olib deb topilganligi;

Prezident granti sohibi sifatida universitetning 2 nafar talabasi Xalqaro huquq va qiyosiy huquqshunoslik fakulteti 2-bosqich talabasi Baxtiyorova Farangiz Ulug'bek qizi hamda Ommaviy huquq fakulteti 2-bosqich talabasi G'ayratov Salimboy Hamdam o'g'li e'tirof etilganligi;

Prezident granti sohiblariga 2022-yilning 1-sentyabridan O'zbekiston Respublikasi Prezidenti davlat stipendiyasini tayinlash hamda oyma-oy to'lab borish, shu munosabat bilan ularga umumiy shartlarda belgilanadigan stipendiya

tayinlanmasligi;

o'quv semestri yakuniga ko'ra kamida bitta fandan o'zlashtirish ko'rsatkichi "a'lo" baho bo'lganda, O'zbekiston Respublikasi Prezidenti granti tanlovi g'oliblariga kelgusi o'quv semestri mobaynida umumiy tartibda belgilanadigan stipendiya tayinlanishi va to'lanishi;

navbatdagi o'quv semestri yakuniga ko'ra barcha fanlar bo'yicha o'zlashtirish ko'rsatkichi faqat "a'lo" baho bo'lganda, O'zbekiston Respublikasi Prezidenti granti tanlovi g'oliblari uchun belgilangan stipendiya qayta tayinlanishi va to'lanishi;

o'qish yakuniga qadar Prezident grantini uzluksiz olgan talabalar bakalavriat ta'lim yo'nalishiga mos va turdosh mutaxassislik bo'yicha magistraturaga kirish imtihonlarisiz qo'shimcha davlat granti asosida talabalikka qabul qilinishi belgilanganligi;

O'zbekiston Respublikasi davlat oliy ta'lim muassasalariga o'qishga qabul qilish jarayonlarini muvofiqlashtirish bo'yicha Davlat komissiyasining 2022-yil 7-oktyabrdagi 6-son bayoni qarori bilan tasdiqlangan 2022/2023-o'quv yilida O'zbekiston Respublikasi Prezidenti granti uchun ajratilgan qabul kvotalarining ta'lim sohalari kesimidagi taqsimoti bo'yicha tanlov natijalariga ko'ra universitetning 13 nafar talabalari 2023/2024-o'quv yilida O'zbekiston Respublikasi Prezidenti granti uchun o'tkaziladigan tanloviga talabgor sifatida belgilanganligi inobatga olinsin.

3. 2022/2023-o'quv yilida O'zbekiston Respublikasi Prezidenti grantini qo'lga kiritgan Xalqaro huquq va qiyosiy huquqshunoslik fakulteti 2-bosqich talabasi Baxtiyorova Farangiz Ulug'bek qizi hamda Ommaviy huquq fakulteti 2-bosqich talabasi G'ayratov Salimboy Hamdam o'g'liga 2022-yilning 1-sentyabridan boshlab O'zbekiston Respublikasi Prezidenti davlat stipendiyasini tayinlansin va oyma-oy to'lab borilsin. Shu munosabat bilan ularga umumiy shartlarda belgilanadigan stipendiya tayinlanishi to'xtatilsin.

4. Buxgalteriya (M.Parpiyev):

2022/2023-o'quv yilida O'zbekiston Respublikasi Prezidenti grantini qo'lga kiritgan Xalqaro huquq va qiyosiy huquqshunoslik fakulteti 2-bosqich talabasi Baxtiyorova Farangiz Ulug'bek qizi hamda Ommaviy huquq fakulteti 2-bosqich talabasi G'ayratov Salimboy Hamdam o'g'liga 2022-yilning 1-sentabridan boshlab O'zbekiston Respublikasi Prezidenti davlat stipendiyasini belgilangan tartibda oyma-oy to'lab borilishini ta'minlasin;

Prezident granti sohiblariga O'zbekiston Respublikasi Prezidenti davlat stipendiyasi tayinlanishi munosabati bilan ularga umumiy shartlarda belgilanadigan stipendiya tayinlanishini to'xtatish choralarini ko'rsin.

5. O'quv-uslubiy boshqarma (Registrator ofisi) (S.Bozorov):

2022/2023-o'quv yilida O'zbekiston Respublikasi Prezidenti grantini qo'lga kiritgan Xalqaro huquq va qiyosiy huquqshunoslik fakulteti 2-bosqich talabasi Baxtiyorova Farangiz Ulug'bek qizi hamda Ommaviy huquq fakulteti 2-

bosqich talabasi G'ayratov Salimboy Hamdam o'g'lilarning o'quv semestri yakuniga ko'ra kamida bitta fandan o'zlashtirish ko'rsatkichi "a'lo" baho bo'lmagan taqdirda ularga kelgusi o'quv semestri mobaynida umumiy tartibda stipendiya tayinlanishi va to'lanishini;

navbatdagi o'quv semestri yakuniga ko'ra barcha fanlar bo'yicha o'zlashtirish ko'rsatkichi faqat "a'lo" baho bo'lganda ularga O'zbekiston Respublikasi Prezidenti stipendiyasi qayta tayinlanishi va to'lanishini nazoratga olsin.

6. Ma'naviyat va ma'rifat markazi:

O'zbekiston Respublikasi Prezidenti grantini qo'lga kiritgan talabalarni tantanali vaziyatlarda taqdirlash, Jamoatchilik va OAVlari bo'limi (J.Haydarov) bilan birgalikda ular to'g'risidagi ma'lumotlarni universitet sayti hamda ijtimoiy tarmoqlardagi sahifalariga joylashtirish chorlarini ko'rsin;

O'zbekiston Respublikasi Prezidenti granti uchun kelgusi yillarda o'tkaziladigan tanlovda universitet talabalarining munosib ishtirok etishlarini tashkil etish, ular uchun zarur barcha shart-sharoitlarni yaratish choralarini ko'rsin.

7. 2023/2024-o'quv yilida O'zbekiston Respublikasi Prezidenti granti uchun o'tkaziladigan tanlovga ishtirok etadigan talabalarni tayyorlash bo'yicha kafedralar kesimidagi taqsimoti ilovaga muvofiq tasdiqlansin.

8. O'zbekiston Respublikasi Prezidenti granti uchun o'tkaziladigan tanlovga talabalarining tayyorlash borasida fakultet dekanlarining mas'ul ekanligi belgilab o'tilsin.

9. Fakultet dekanlari (Sh.Saydullayev, D.Kamalova, B.Musayev, D.Umarxanova):

O'zbekiston Respublikasi Prezidenti granti, stipendiyalar, xalqaro va milliy tanlovlar bo'yicha talabalarining xabardorliklarini ta'minlash maqsadida talabalar o'rtasida tushuntirish va keng targ'ibot ishlarini olib borsin;

2023/2024-o'quv yilida O'zbekiston Respublikasi Prezidenti granti uchun o'tkaziladigan tanlovga ishtirok etadigan talabalarni nizom talablari asosida tayyorlash, ularga uslubiy ko'mak berish chorlarini ko'rsin;

ilovadagi taqsimot asosida kafedralarning talabalar bilan "ustoz-shogirt tizimi" asosida faol ish olib borishini ta'minlasin.

10. Devonxona (X.Abdullayev) ushbu buyruqni manfaatdor tarkibiy bo'linmalarga yetkazish choralarini ko'rsin

11. Mazkur buyruq ijrosi nazoratini o'z zimmamda qoldiraman.

**Rektor v.v.b.**



**I.RUSTAMBEKOV**

Toshkent shahar

## **Kiritildi:**

Direktor

SH.PO‘LOTOV



## **Kelishildi:**

Yoshlar masalalari va ma‘naviy-  
ma‘rifiy ishlar bo‘yicha birinchi  
prorektor

A.XASHIMHONOV



Moliya-iqtisod ishlar bo‘yicha  
prorektor

A.IMINOV



Bosh buxgalter

M.PARPIYEV



yuriskonsult

D.ALIBOYEV



Devonxona mudiri

X.ABDULLAYEV



Boshqarma boshlig‘i

S.BOZAROV

